

中刹利婆羅門衆中人國王居士衆中皆悉
歡悅興恭敬心視無厭足正使阿難比丘有
所說者其聞法教受無厭足是謂比丘有此
四未曾有法是時阿難白世尊言當云何與
女人從事然今比丘到時著衣持鉢家家乞
食福度衆生佛告阿難莫與相見設與相見

莫與共語設共語者當專心意

尔時世尊便說此偈

莫與女交通 亦莫共言語 有能遠離者

則離於八難

增壹阿含經卷第三十六

如

兒完尸官反 劇奇迷反 赫盛容上許 逼彼力反 挺直
 正他頂反 筋脉下音斤 綆線字 鋸音據 梟古堯反 推
 胷上直反 馘俱獲反 唱下音高 偷此云塔又 縮
 聚上反 荆棘下居力反 壓上音 草塔又 搯下音 碎
 剥必角反 縫逢音 五下居力反 五下音 搯下音 碎
 下蘇對反 脊脉上音 鐵喙下音 濡下音 巨下音 我

摩拔下武反 鳩居求反 羅若下母反 聊賴上郎
 作形反 正音 蠕動上音 較音教 卷蘇浪反 天
 竺下音 方域下音 騾驢和反 劈僧上音 必反 脅
 二虛業反 涕零體上音 恃怙下音 悲號下音

增壹阿含經卷第三十七

如七

符秦建元年三藏曇摩難提譯

八難品第四十二餘

當云何與車匿比丘從事世尊告曰當以梵
法罰之阿難白佛言云何梵法罰之世尊告
曰不應與車匿比丘有所說亦莫言善復莫

言惡然此比丘亦復不向汝當有所說阿難
白佛言設不究事者此則犯罪不重乎世尊
告曰但不與語即是梵法之罰然由不改者
當將詣衆中諸人共彈使出莫與說戒亦莫
與法會從事尔時世尊便說此偈
欲與彼怨家 而報其怨者 恒念莫與語

此惡無過者

是時拘尸那竭人民聞如來當取滅度剋在夜半是時國土人民往至雙樹間到已頭面礼足在一面坐尔時人民白世尊言今聞如來當取滅度我等當云何興敬是時世尊顧視阿難是時阿難即作是念如來今日身體疲倦欲使我指授彼義是時阿難右膝著地長跪又手白世尊言今有二種之姓一名婆阿陀二名須拔陀今來自歸如來聖眾唯願世尊聽為優婆塞自今已後不復殺生復有名帝奢二名憂波帝奢復有名弗舍二名雞頭如是之比皆來歸如來唯願世尊聽為優婆塞自今之後不復殺生奉持五戒是時世尊廣說法發遣使歸是時五百摩羅眾即從座起遶佛三匝便退而去尔時世尊告阿難曰吾最後受證弟子所謂拘尸那竭五百摩羅是也尔時須拔梵志從波波國來至拘尸那竭國遙見五百人來即問之曰汝等為從

何來五百人報曰須拔當知如來今日當取滅度在雙樹間是時須拔便作是念如來出現於世甚為難遇如來出世時時乃有如優曇鉢華億劫乃出我今少多有疑不解諸法唯彼瞿曇沙門能解我狐疑我今可往至彼瞿曇所而問此義是時須拔梵志至雙樹間到阿難所白阿難曰吾聞世尊今日當取滅度為審尔不阿難報曰審有其事須拔白言然我今日猶有狐疑唯願聽許白世尊此言餘人不解六師所說為得見沙門瞿曇所說乎阿難白言止止須拔勿疑如來如是再三復白阿難曰如來出世甚不可遇如優曇鉢

如七

二

梵志所以然者此來問義多所饒益若我說法者即得度脫是時阿難語須拔言善哉善哉如來今聽在內聞法是時須拔聞此語已歡喜踊躍不能自勝又復須拔往至世尊所頭面禮足在一面坐尔時須拔白世尊言我今欲有所問唯願聽許是時世尊告須拔曰今正是時宜可時問是時須拔白佛言諸異沙門瞿曇知諸筭術多所過度所謂不蘭迦葉阿夷湍瞿耶樓波休迦旃先毗盧持尼捷子等如此之輩知三世事乎為不詳耶其六師之中復有勝如來乎尔時世尊告曰止止須拔勿問此義何煩問此勝如來乎然我今日在此座上當與汝說法善思念之須拔白佛言今當為問深義唯願世尊以時說之尔時世尊告曰我初學道時年二十九欲度人民故二十五年在外道中學自是已來更不見沙門婆羅門其大眾中無八賢聖道者則無沙門四果是謂須拔世間空虛更無真人

如

三

得道者也以其賢聖法中有賢聖法者則有沙門四果之報所以然者因有沙門四果之報皆由賢聖八品道也若須拔若我不得無上正真之道皆由不得賢聖八品道以其得賢聖八品道故成佛道是故須拔當求方便成賢聖道然須拔復白佛言我亦樂聞賢聖八品道唯願演說世尊告曰所謂八道者等見等治等語等命等業等方便等念等三昧是謂須拔賢聖八品道是時須拔即於座上得法眼淨尔時須拔語阿難言我今快得善利唯願世尊聽為沙門阿難報言汝今自往至世尊所求作沙門是時須拔往至世尊所頭面禮足白世尊言唯願世尊聽作沙門尔時須拔即成沙門身著三法衣時須拔仰觀世尊顏即於座上有漏心得解脫尔時世尊告阿難曰我最後弟子之中所謂須拔是也尔時須拔白佛言我今聞世尊夜半當取涅槃唯願世尊先聽我取涅槃我不堪見如來

先取滅度。尔時世尊默然可之。所以然者。過去恒沙諸佛。世尊最後取證。弟子先取涅槃。然後如來而取滅度。此是諸佛世尊常法。非適今日。是時須拔見世尊。已可之。即在如來前。正身正意。繫念在前。於無餘涅槃界而取滅度。是時比丘六反震動。尔時世尊便說此偈。一切行無常。生者必有死。不生則不死。此滅為最樂。是時世尊告阿難曰。自今已後。勅諸比丘。不得輕心相向。大者稱尊。小者稱賢。相視當如兄弟。自今後不得稱父母所作字。是時阿難白世尊言。如今諸比丘當云何自稱名号。世尊告曰。若小比丘向大比丘。稱長老。大比丘稱小比丘。稱姓字。又諸比丘欲立字者。當依三尊。此是我之教戒。是時阿難聞世尊所說歡喜奉行。

聞如是一時佛在舍衛國鹿野苑中。與比丘眾五百人俱。是時婆訶羅阿須倫及牟提輪

如七

四

天子非時至世尊所。頭面禮足。在一面坐。是時如來問阿須倫曰。汝等甚樂大海中乎。阿須倫白佛言。實樂。非為不樂。世尊告曰。大海之中。有何奇特之法。汝等見已。於中娛樂。阿須倫白佛言。大海之中。有八未曾有法。諸阿須倫娛樂其中。云何為八。於是大海之中。極深且廣。是謂初未曾有法。復次大海有此神德。四大江河一一河者。將從五百以投大海。便失本名字。是謂第二未曾有法。復次大海皆同一味。是謂第三未曾有法。復次大海以時潮賀不失時節。是謂第四未曾有法。復次大海鬼神所居。有形之類。無不在大海中者。是謂第五未曾有法。復次大海之中。皆容極大之形。百由旬形。千由旬形。乃至七千由旬形。亦不逼迫。是謂第六未曾有法。復次大海之中。出若干種珍寶。磔磔瑪瑙。真珠。琥珀。水精。琉璃。是謂第七未曾有法。復次大海之中。下有金波。又有須彌山。四寶所成。是謂第八

未曾有法此名八未曾有法使諸阿須倫娛樂其中是時阿須倫白世尊如來法中有何奇特使諸比丘見已娛樂其中佛告阿須倫曰有八未曾有法使諸比丘娛樂其中云何為八又我法中戒律具足無放逸行是謂初未曾有法諸比丘見已娛樂其中如彼大海

如七

五

極深且廣復次我法中有四種姓於我法中作沙門不錄前名更作餘字猶如彼大海四大江河皆投于海而同一味更無餘名是名第二未曾有法復次我法中施設禁戒隨其教戒亦不越緒是謂第三未曾有法復次我法中皆同一味所謂賢聖八品道味是也是謂第四未曾有法如彼大海悉同一味復次我法中種種法充滿其中所謂四意止四意斷四神足五根三力七覺意八真直行諸比丘見已娛樂其中如彼大海諸神居其中是謂五未曾有之法復次我法中有種種珍寶所謂念覺意寶法覺意寶精進覺意寶喜覺

意寶猗覺意寶定覺意寶護覺意寶是謂第六未曾有法諸比丘見已娛樂其中如彼大海出種種珍寶復次我法中諸有衆生之類剃除鬚髮著三法衣出家學道於無餘涅盤界而取滅度然我法中無有增減如彼大海諸河投之無有增減是謂第七未曾有法諸比丘見已娛樂其中復次我法中有金剛三昧有滅盡三昧一切光明三昧得不起三昧種種三昧不可稱計諸比丘見已娛樂如彼大海下有金沙是謂第八未曾有法諸比丘見已娛樂其中於我法中有此八未曾有法諸比丘於其中自娛樂是時阿須倫白世尊曰如來法中使有一未曾有法者勝彼海中八未曾有法百倍千倍不可為比所謂賢聖八道是也善哉善哉世尊使說斯言今時世尊漸與說法所謂施論戒論生天之論欲不淨想漏為大患出要為妙今時世尊已見彼心開意解諸佛世尊常所說法苦集盡道盡

與說之。亦時阿須倫便作是念。應有五諦。今世尊但說四諦。與諸天說五諦。是時天子即於座上得法眼淨。時阿須倫白世尊言。善哉。世尊。使說斯言。今欲還所在。世尊告曰。宜知是時。即從座起。頭面禮足。復道而去。時天子語阿須倫曰。汝今所念。極為不善。云如來與

如七

六

諸天說五諦。與我說四諦。所以然者。諸佛世尊。終無二言。諸佛終不捨眾生說法。亦無懈倦說法。亦復無盡。亦復不選擇人。與說法平等心。而說有四諦。苦集盡道。汝今莫作是念。勿咎如來言有五諦。是時阿須倫報曰。我今所造不善。自當懺悔。要當至如來所。更問此義。亦時阿須倫及天子聞佛所說歡喜奉行。聞如是一時。佛在舍衛國祇樹給孤獨園。亦時世尊告諸比丘。天地大動。有八因緣。云何。為八比丘當知。此閻浮里地。南北二萬一千由旬。東西七千由旬。厚六萬八千由旬。水厚八萬四千由旬。火厚八萬四千由旬。火下有

風厚六萬八千由旬。風下際有金剛輪。過去諸佛世尊舍利盡在彼間。比丘當知。或有是時。大風正動。火亦復動。火已動。水便動。水已動。地便動。是謂第一因緣。使地大動。復次菩薩從兜率天降神來下。在母胎中。是時地亦大動。是謂第二因緣。使地大動。復次菩薩降神出母胎時。是時天地大動。是謂第三因緣。使地大動。復次菩薩出家學道。成無上正真等正覺。是時天地大動。是謂第四因緣。使地大動。復次若如來入無餘涅槃界。而取滅度。是時天地大動。是謂第五因緣。使地大動。復次有大神足比丘。心得自由。意欲行無數變化。或分身為百千之數。復還為一。飛行虛空。石壁皆過。踊段自由。觀地無地。相了悉空。無是時地為大動。是謂第六因緣。地為大動。復次諸天有大神足神德。無量從彼命終。還生彼間。由宿福行具足。諸德捨本天形。得作帝釋。若梵天王時。地為大動。是謂第七因緣。地

如七

十

為大動復次若眾生命終福盡是時諸國王
 不樂本邦各各相攻伐或飢儉死者或刀刃
 死者是時天地大動是謂第八因緣使地大
 動如是比丘有八因緣使天地大動尔時諸
 比丘聞佛所說歡喜奉行
 聞如是一時尊者阿那律遊在四佛所居處
 是時阿那律在閑靜之處便作是念諸釋迦
 文佛弟子之中戒德智慧成就者皆依戒律
 於此正法中而得長養諸聲聞中不具足戒
 律者斯等之類皆離正法不與戒律相應如
 今此二法戒與聞何者為勝我今可以此因
 緣之本往問如來是時阿那律復作是念此
 法知足之所行非無厭者之所行少欲者之
 所行非為多欲者之所行此法應閑居者之
 所行非在憤內之所行此法持戒人之所行
 非犯戒者之所行三昧者之所行非乱者之
 所行智慧者之所行非愚者之所行多聞者
 之所行非少聞者之所行是時阿那律思惟

此八大人念今我可往至世尊所而問此義
 尔時世尊在舍衛城祇樹給孤獨園是時王
 波斯匿請如來及比丘僧夏坐九十日是時
 阿那律漸漸人間將五百比丘遊化轉至舍
 衛國到如來所頭面礼足在一面坐時阿那
 律白世尊言又我世尊在閑靜處思惟此義
 戒與聞此二法何者最勝乎是時世尊與阿
 那律便說此偈
 戒勝聞勝耶 汝今起狐疑 戒勝於聞者
 於中何狐疑
 所以然者阿那律當知若比丘戒成就者便
 得定意已得定意便獲智慧已得智慧便得
 多聞已得多聞便得解脫已得解脫於無餘
 涅槃而取滅度以此明之戒為最勝是時阿
 那律向世尊說此八大人念佛告阿那律曰
 善哉善哉阿那律汝今所念者正是大人之
 所思惟也少欲知足在閑居之處戒成就三
 昧成就智慧成就解脫成就多聞成就汝今

如七

八

阿那律當建是意思惟八大人念云何爲八此法精進者之所行非懈怠者之所行所以然者彌勒菩薩應三十劫當成無上正真等正覺我以精進之力超越成佛阿那律知之諸佛世尊皆同一類同其戒律解脫智慧而無有異亦復同空無相願有三十二相八十種好而莊嚴其身視無厭足無能見頂者皆悉不異唯有精進不同於過去當來諸佛世尊精進者吾最爲勝是故阿那律此第八大人之念此爲最爲上爲尊爲貴爲無有喻猶如由乳有酪由酪有酥由酥有醍醐然後醍醐於中最上爲無有比此亦是精進之念於八大人念中最上實無有比是故阿那律當念奉八大人念亦當與四部衆分別其義設當八大人念流布在世者今我弟子皆當成須陀洹道斯陀含道阿那含道阿羅漢道所以然者我法少欲者之所行非多欲者所行也我法知足者之所行非無厭者所行也

如

九

我法閑居者之所行非衆中者所行也我法持戒者之所行非犯戒者所行也我法定者之所行非亂者所行也我法智者之所行非愚者所行也我法多聞者之所行非少聞者所行也我法精進者之所行非懈怠者所行也是故阿那律四部之衆當求方便行此八大人念如是阿那律當作是學亦時阿那律聞佛所說歡喜奉行

聞如是一時佛在舍衛國祇樹給孤獨園余時世尊告諸比丘有八部之衆汝等當知云何爲八所謂刹利衆婆羅門衆長者衆沙門衆四天王衆三十三天衆魔王衆梵天王衆比丘當知我曩昔已來至刹利衆中共相問訊言談講論亦復無人與我等者獨步無侶亦無疇匹少欲知足念不錯亂戒成就三昧成就智慧成就解脫成就多聞成就精進成就復自憶念至婆羅門衆中長者衆中沙門衆中四天王衆中三十三天衆中魔王衆中

梵天王衆中共相問訊言談講論獨步無侶亦無疇匹於中最尊亦無等倫少欲知足意不錯乱戒成就三昧成就智慧成就解脫成就多聞成就精進成就當我亦時在八部衆中獨步無侶與亦許衆生作大覆蓋是時八部之衆無能見頂亦不敢瞻顏何況當共論議乎所以然者我亦不見天上人中魔若魔天沙門婆羅門衆中有能成就此八法者除如來存不論之是故比丘當求方便行此八法如是諸比丘當作是學亦時諸比丘聞佛所說歡喜奉行

聞如是一時佛在舍衛國祇樹給孤獨園亦時阿那邠邠長者往至世尊所頭面礼足在一面坐是時世尊告長者曰長者家中廣施不平長者白佛貧家惠施晝夜不斷四城門中及大市中家中行路及佛比丘僧是為八處惠施如是世尊其有所須須衣與衣須食與食國中珍寶終不違逆衣被飲食牀卧具

如七

十

病瘦醫藥悉給施之亦有諸天來至我所有虛空中而告我曰分別尊卑此者持戒此者犯戒與此獲福與彼無報然我心正無有彼此不起增減之心普等慈心於一切衆生又且衆生依命根存形有食則存非食命不濟施惠一切衆生其報無量受其報果無有增減佛告長者善哉長者平等施者福第一尊然衆生之心復有勝如施持戒人勝犯戒者是時虛空神天稱慶無量即說此偈

佛說擇施尊 愚衆有增減 求其良福田 何過如來衆

然今世尊所說極為快哉施持戒人勝犯戒者亦時世尊告阿那邠邠長者曰今當與汝說賢聖之衆善思念之抱在心懷或施少獲福多或施多獲福多阿那邠邠長者白佛言唯願世尊敷演其義云何施少獲福多云何施多獲福多佛告長者向阿羅漢得阿羅漢向阿那舍得阿那舍向斯陀舍得斯陀舍向

須陀洹得須陀洹是謂長者賢聖之衆施少
獲福多施多獲福多是時世尊便說此偈
四向成就人 四者成果實 此名賢聖衆
惠施獲福廣

過去久遠諸佛世尊亦復有此聖賢之衆如
我今日無異正使當來諸佛世尊出現於世

如七

十

者亦得如此聖賢之衆是故長者歡喜悅心
供奉聖衆是時世尊與彼長者說微妙法立
不退轉地長者聞已喜慶無量即從座起頭
面礼足遶佛三匝便退而去是時阿那邠邸
長者聞佛所說歡喜奉行

聞如是一時佛在舍衛國祇樹給孤獨園介
時世尊告諸比丘昔善男子善女人以財物
惠施獲八功德云何爲八一者隨時惠施非
爲非時二者鮮潔惠施非爲穢濁三者手自
斟酌不使他人四者誓願惠施無憍恣心五
者解脫惠施不望其報六者惠施求滅不求
生天七者施求良田不施荒地八者然持此

功德施惠衆生不自爲己如是比丘善男子
善女人以財物惠施獲八功德尔時世尊便
說斯偈

智者隨時施 無有慳貪心 所作功德已
盡用惠施人 此施爲最勝 諸佛所加歎
現身受其果 逝則受天福

是故比丘欲求其果報者當行此八事其報
無量不可稱計獲甘露寶漸至滅度如是諸
比丘當作是學尔時諸比丘聞佛所說歡喜
奉行

聞如是一時佛在舍衛國祇樹給孤獨園介
時世尊告諸比丘我今當說趣泥犁路向涅
槃道善思念之無令漏失諸比丘白佛言如
是世尊諸比丘從佛受教佛告比丘彼云何
趣泥犁路向涅槃道邪見趣泥犁路正見向
涅槃道邪治趣泥犁路正治向涅槃道邪語
趣泥犁路正語向涅槃道邪業趣泥犁路正
業向涅槃道邪命趣泥犁路正命向涅槃道

邪方便趣泥犁路正方便向涅槃道邪念趣
泥犁路正念向涅槃道邪定趣泥犁路正定
向涅槃道是謂比丘趣泥犁路向涅槃道諸
佛世尊常所應說法今已畢矣汝等樂在閑
居之處樹下露坐念行善法無起懈慢今不
勤行後悔無及尔時諸比丘聞佛所說歡喜
奉行

奉行

非時泥犁道

須倫天地動

大人入念眾

善男子施道

十末

增壹阿含經卷第三十七

如七

彈

音端瞿

上土逼迤

上彼力

情肉

上古妹

曩昔

上乃

直疇

上布邠邠

中反

反

反

增壹阿含經卷第三十八 如八
并秦建元年三藏墨摩難提譯
馬血天子品第四十三
聞如是一時佛在舍衛國祇樹給孤獨園馬
血天子非人之時至世尊所頭面礼足在一
面立尔時天子白世尊言向者生此念在地
步度可盡此世界不乎我今問世尊可以步
盡世界不耶世尊告曰汝今以何義理而作
此問天子白佛言我昔日一時至娑伽梵天
所是時梵天遙見我來而語我言善來馬血
天子此處無為之境無生無老無病無死無
終無始亦無愁憂苦惱當我尔時復作是念
此是涅槃道耶何以故涅槃之中無生老病
死愁憂苦惱此是世界之極邊耶設當是世
界邊際者是為世間可步度也世尊告曰汝
今神足為何等類天子白佛猶如力士善於
射術箭去無礙我今神足其德如是無所罣
礙世尊告曰我今問一隨所樂報之猶如有